



Adresa: **Ul. Hamdije Čemerlića 39a**
71000 Sarajevo
<http://www.voda.ba>

tel. +387 33 726 412
fax. +387 33 726 414
e-mail: info@voda.ba

Broj: **UP-1/21-1-40-345-3/24**
Datum: **24.07.2024. godine**

«Agencija za vodno područje rijeke Save» Sarajevo (u daljem tekstu Agencija) rješavajući po zahtjevu Agencije podnesenom putem „Sektora za realizaciju investicionih projekata” za donošenje Rješenja o prethodnoj vodnoj saglasnosti za vađenje materijala iz korita rijeke Drine na lokalitetu u gradu Goraždu (između mostova Alije Izetbegovića i Žrtava genocida), Grad Goražde, na osnovu člana 139. stav (1) tačka 6. Zakona o vodama («Službene novine Federacije BiH», broj 70/06) i člana 200. stav (1) Zakona o upravnom postupku («Službene novine Federacije BiH», broj 2/98, 49/99 i 61/22), **donosi**

RJEŠENJE **o prethodnoj vodnoj saglasnosti**

1. Podnosiocu zahtjeva, Agenciji daje se prethodna vodna saglasnost u svrhu provođenja daljih aktivnosti na dodjeli prava na vađenje materijala iz korita rijeke Drine i izradi Elaborata za vađenje materijala iz korita rijeke Drine, na lokalitetu u gradu Goraždu (između mostova Alije Izetbegovića i Žrtava genocida), Grad Goražde, koji obuhvata dio zemljišne čestice označene kao k.č. broj 4060 K.O. Goražde I i 1904/1 K.O. Goražde II, Grad Goražde.
2. Prethodna vodna saglasnost prestaje da važi ukoliko u roku od 3 (tri) godine, od dana izdavanja ovog rješenja, ne bude podnesen zahtjev za izdavanje vodne saglasnosti od strane pravnog lica kome bude dodijeljeno pravo na vađenje materijala.
3. Prethodna vodna saglasnost se daje na osnovu pregleda dokumentacije dostavljene uz zahtjev i uz zadovoljenje sljedećih uslova:
 - 3.1. Za namjeravano vađenje materijala iz korita rijeke Drine na lokalitetu u gradu Goražde (između mostova Alije Izetbegovića i Žrtava genocida), Grad Goražde, potrebno je od strane pravnog lica kojem bude dodijeljeno pravo na vađenje materijala pripremiti dokumentaciju – Elaborat vađenja materijala koji će sadržavati:
 - Geodetska snimanja (ne starija od tri mjeseca) situacije i poprečnih profila riječnog korita (na rastojanju do 50,0 m) i uzdužne profile 1:100 ili detaljnije, koja se izvode preko operativnog poligonog vlaka sa osiguranjem krajnjih tačaka poprečnih profila na terenu trajnim biljegama uz položajni opis i nacrt (trigonometrijski obrazac 27), preko kojih će se po završetku radova izvršiti kontrolna geodetska snimanja;
 - Izrada situacije lokaliteta na kome se planira vađenje materijala, uzdužnog i poprečnih profila riječnog korita u odgovarajućoj razmjeri;
 - Tehničko rješenje načina izvođenja radova i utvrđivanje njihovog obima koje će obavezno uzeti u obzir da se tim radovima bitno ne remete prirodni procesi, ne remeti prirodna ravnoteža ekosistema ili ne pospješuje štetno djelovanje voda;
 - Dinamika vađenja materijala;
 - Bilans masa materijala;
 - Definirati lokaciju i površinu deponije u zavisnosti od utvrđene količine materijala vodeći računa da se ista ne može nalaziti u inundacionom pojasu;
 - Na osnovu podataka iz katastarskog plana, na preglednoj situaciji obilježiti granice parcela koje su u državnom, odnosno privatnom vlasništvu, a nalaze se u zoni planiranih radova i gradilišta, trasu pristupnog puta i lokaciju deponije izvađenog materijala;
 - Deponija izvađenog materijala mora biti locirana izvan uticaja velikih voda (izvan plavnog područja) i izvan vodnog dobra i javnog vodnog dobra;

- Mogući uticaj na izvorište pitke vode čije se zone sanitarne zaštite prostiru ili su u neposrednoj blizini predmetnog lokaliteta, ako takva postoje i uvjeti za zaštitu izvorišta prilikom izvođenja radova;
 - Pregled postojećih korisnika vode sa vodotoka;
 - Ocjena mogućnosti nastanka negativnih uticaja na druge objekte i postrojenja, korito vodotoka, površinske i podzemne vode, stečena prava korisnika, naselja i sl. i mjere za ublažavanje tih uticaja.
- 3.2. Dinamika vađenja materijala treba da se vrši u periodu usaglašenim sa ribolovnim društvima, odnosno korisnikom ribolovnog prava na ovom ribolovnom području, vodeći računa o periodu mrštenja plemenite ribe.
- 3.3. Izvođač radova dužan je riješiti imovinsko-pravne odnose sa vlasnikom zemljišta za pristup lokalitetu vađenja materijala, kao i do lokaliteta za odlaganje izvađenog materijala, a prije vađenja materijala iz vodotoka.
4. Prije podnošenja zahtjeva za izdavanje vodne saglasnosti izvođač radova, sa kojim se sklopi Ugovor o izvođenju predmetnih radova, dužan je izraditi elaborat za vađenje materijala iz vodotoka. Elaborat će se uraditi u skladu sa članom 5. stav (3) Pravilnika o sadržaju, obliku, uslovima, načinu izdavanja i čuvanja vodnih akata („Službene novine Federacije BiH“, broj 31/15, 55/19, 41/20 i 63/22), a isti treba da bude urađen od strane ovlaštenog pravnog lica, (lista „A“) shodno Pravilniku o uvjetima i kriterijima koje mora zadovoljiti pravno lice za izradu dokumentacije na osnovu koje se izdaju vodni akti («Službene novine Federacije BiH», broj 17/08 i 38/12), te u skladu sa uslovima datim u dispozitivu ovog rješenja.
5. Uz zahtjev za izdavanje vodne saglasnosti, treba dostaviti slijedeću dokumentaciju:
- Elaborat izrađen u skladu sa uslovima iz tačke 3.1. dispozitiva ovog Rješenja,
 - Ugovor o izvođenju predmetnih radova potpisan sa Agencijom za vodno područje rijeke Save, Sarajevo,
 - Dokaz o izvršenoj uplati upravne takse u iznosu od 60.0 KM,
 - Ovjerenu kopiju rješenja o upisu u sudski registar i identifikacioni broj,
 - Saglasnost udruženja sportskih ribolovaca na vađenje materijala iz korita rijeke Drine na predmetnom lokalitetu u periodu definiranom dodijeljenim ugovorom,
 - Kopiju uvjerenja o poreznoj registraciji,
 - Validne dokaze Izvođača da je riješio pitanje imovinsko-pravnih odnosa na trasi pristupnog puta do lokacije vađenja materijala iz vodotoka, te do lokacije za deponovanje kao i na samoj lokaciji za deponovanje izvađenog materijala.
6. Ukoliko nakon izdavanja ove prethodne vodne saglasnosti, a u toku pripreme dokumentacije za podnošenje zahtjeva za izdavanje vodne saglasnosti, nastupe okolnosti za koje se može pretpostaviti da mogu biti od uticaja na rješavanje zahtjeva za donošenje rješenja o vodnoj saglasnosti, potrebno je o istom obavijestiti ovu Agenciju (ugovornog organa), a u zahtjevu za izdavanje vodne saglasnosti navesti te okolnosti.

OBRAZLOŽENJE

Podnosilac zahtjeva, Agencija, putem „Sektora za realizaciju investicionih projekata“, je dostavio zahtjev za izdavanje prethodne vodne saglasnosti za vađenje materijala iz korita rijeke Drine kao jednu od mjera za sprečavanje štetnog djelovanja voda na lokalitetu u gradu Goraždu (između mostova Alije Izetbegovića i Žrtava genocida) Grad Goražde, koji obuhvata dio zemljišne čestice označene kao k.č. broj 4060 K.O. Goražde I i 1904/1 K.O. Goražde II, Grad Goražde.

Uz zahtjev je dostavljena i pregledana slijedeća dokumentacija:

- Kopija uvjerenja o poreznoj registraciji, izdata od strane Porezna uprava FBiH - Kantonalni porezni ured Sarajevo, od 14.12.2012. godine;
- Kopiju Obavještenja o razvrstavanju pravnog lica prema klasifikaciji djelatnosti;
- Kopiju aktuelnog izvoda iz sudskog registra Općinskog suda u Sarajevu, broj: 065-0-RegZ-14-002716 dana 21.04.2014. godine;

- Kopiju Izvoda iz posjedovnog lista broj 3388, izdatog od strane Službe za geodetske, imovinsko-pravne poslove i katastar nekretnina Grada Goražde, broj: 07-26-1-1133/24-2 dana 04.07.2024. godine;
- Kopiju Izvoda iz posjedovnog lista broj 1449, izdatog od strane Službe za geodetske, imovinsko-pravne poslove i katastar nekretnina Grada Goražde, broj: 07-26-1-1134/24-2 dana 04.07.2024. godine;
- Kopiju katastarskog plana broj plana 39 i broj plana 27;
- Skicu lokacije (ortofoto snimak predmetnog sprudišta);
- Zapisnik komisije za uviđaj na licu mjesta u vezi rješavanja problematike vađenja materijala iz vodotoka Drine, Sarajevo 05.07.2024. godine;
- Odluku o utvrđivanju potrebe za vađenje materijala iz vodotoka Drine, donesenu od strane Agencije za vodno područje rijeke Save Sarajevo, broj: 30-738-3/24 dana 08.07.2024. godine.

Nakon izvršenog uvida u dostavljeni zahtjev i priloženu dokumentaciju utvrđeno je da su uz zahtjev dostavljeni potrebni prilozi, te je ovaj organ u skladu sa odredbama Zakona o upravnom postupku pokrenuo postupak u cilju utvrđivanja relevantnih činjenica u ovoj upravnoj stvari.

U skladu sa članom 124. stav (1) Zakona o vodama i člana 21. Pravilnika o sadržaju, obliku, uslovima, načinu izdavanja i čuvanja vodnih akata o zahtjevu je dana 13.07.2024. godine obaviještena javnost putem obavještenja na oglasnoj ploči «Agencije za vodno područje rijeke Save» Sarajevo i 13.07.2024. godine u dnevnom glasilu „OSLOBODENJE“. U datom roku nije bilo pisanih izjašnjenja o predloženim aktivnostima iz zahtjeva.

U provedenom ispitnom postupku konstatovano je slijedeće:

U cilju utvrđivanja činjeničnog stanja, odnosno stanja riječnog korita i obala na dionici rijeke Drine u Federaciji BiH je aktom broj: 30-738-1/24 od 24.06.2024. godine formirana Komisija za uviđaj na licu mjesta u vezi rješavanja problematike vađenja materijala iz vodotoka Drine na lokalitetu između mostova Alije Izetbegovića i Žrtava genocida, grad Goražde, koji obuhvata dio zemljišne čestice označene kao k.č. broj 4060 K.O. Goražde I i 1904/1 K.O. Goražde II, na prostoru Federacije BiH, grad Goražde. Nakon uviđaja na terenu, Komisija je dana 05.07.2024. sačinila „Zapisnik komisije za uviđaj na licu mjesta u vezi rješavanja problematike vađenja materijala iz vodotoka Drine“ u okviru koga je dato stručno mišljenje i priložena foto dokumentacija sa kratkim opisom stanja na terenu i zaključkom za dalje postupanje. U stručnom mišljenju je konstatovano da na predmetnoj lokaciji, po procjeni Komisije, ima cca 700 m³ šljunkovitog materijala (dva sprudišta). Sprudište bliže sredini je procjenjenih dimenzija 40m x 10m x 1,0m dok je sprudište bliže desnoj obali procjenjenih dimenzija 30m x 10m x 1,0m što u sumi iznosi 700m³, te da treba pokrenuti postupak za uklanjanje predmetnog materijala iz rijeke Drine.

Utvrđena količina je definirana u skladu sa članom 63. Zakona o vodama kojim je propisano da je „Vađenje materijala iz vodotoka dozvoljeno je u obimu i na način koji bitno ne mijenja prirodne procese, ne remeti prirodnu ravnotežu ekosistema ili ne pospješuje štetno djelovanje voda“.

Na osnovu provedenog uviđaja na predmetnom lokalitetu, sačinjenog zapisnika, stručnog mišljenja i foto dokumentacije, donesena je od strane AVP Sava odluka o utvrđivanju potreba za vađenje materijala iz vodotoka Drine, broj: 30-738-3/24 dana 08.07.2024. godine, čime su se stekli uslovi za pokretanje upravnog postupka po službenoj dužnosti, a sve prema odredbama člana 6. Uredbe o načinu dodjele prava na vađenje materijala iz vodotoka („Službene novine Federacije BiH“, broj 58/15).

Uslov iz tačke 2. propisan je na osnovu člana 111. stav (3) Zakona o vodama.

U skladu sa odredbama člana 5. stav (3) Pravilnika o sadržaju, obliku, uslovima, načinu izdavanja i čuvanja vodnih akata propisani su uslovi iz tačke 3. dispozitiva Rješenja.

Na osnovu priložene dokumentacije u kojoj je utvrđena potreba za vađenjem materijala iz korita rijeke Drine na predmetnom lokalitetu, u procjenjenoj količini od 700 m³, u dispozitivu ovog rješenja su utvrđeni uslovi kojima mora udovoljiti dokumentacija na osnovu koje će se pokrenuti postupak za izdavanje vodne saglasnosti za vađenje materijala, a sve u skladu sa članom 111. stav (1) Zakona o vodama, članom 5. stav (3) i (4) Pravilnika o sadržaju, obliku, uslovima, načinu izdavanja i čuvanja vodnih akata.

UPUTA O PRAVNOM LIJEKU:

Protiv ovog rješenja može se uložiti žalba Federalnom ministarstvu poljoprivrede, vodoprivrede i šumarstva, putem ove Agencije, u roku od 15 dana od dana prijema rješenja.


Žalba se podnosi neposredno pismeno ili preporučeno putem pošte ovom organu i taksira se sa 15,0 KM administrativne takse, prema tarifnom broju 3. Tarife Federalnih administrativnih taksi.

Voditelj postupka: Aida Bezdob, dipl.inž.građ.

Dostaviti:

- AVP Sava, Sektor 30
- AVP Sava, ISV-vodna knjiga – ovdje;
- Arhiva – ovdje;
- AVP Sava – Oglasna ploča

Po ovlaštenju
Rukovodilac sektora za izdavanje
vodnih akata



Nihad Pezo, dipl.inž.građ.